

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 05.10.2020թ. թիվ 2011710068 որոշումը անփոփոխ, իսկ վարչական բողոքն առանց բավարարման թողնելու մասին

<<20>> 14 2020թ. 7-13- 14651

ք.Երևան

Ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Վիգեն Անանյանի ՄԴ/146375-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Կենտրոն վարչական շրջանի Զարոբյան փողոցի 10/1-րդ շենքի 5-րդ բնակարանի բնակիչ Վիգեն Անանյանը դիմումով խնդրել է վերանայել Ճանապարհային ոստիկանությանը վարչական տույժ նշանակելու մասին թիվ 2011710068, 2011333487, 2011334974, 2011335011 և 2011331959 որոշումները նշելով, որ համաձայն չէ իրավախախտումների հետ, քանի որ տեղեկացված չի եղել դրանց առկայության մասին :

Դիմումի քննարկման արդյունքում պարզվել է, որ վարչական բողոքը ենթակա է մերժման՝ հետևյալ պատճառաբանությամբ.

05.10.2020թ. թիվ 2011710068 վիճարկվող որոշումը կայացվել է **Վարչական իրավախախտումների վերաբերյալ ՀՀ օրենսգրքի 281 հոդվածի** դրույթների համաձայն և լիովին համապատասխանում է ներկայացվող պահանջներին:

Նույն օրենսգրքի 129.3 հոդվածի 1-ին մասի համաձայն՝ տուգանային միավորի ձևով վարչական տույժ նախատեսող՝ ճանապարհային երթևեկության կանոնների (ճանապարհային երթևեկության անվտանգության ապահովման բնագավառի օրենսդրության) խախտումներ պարբերաբար կատարելը, այսինքն՝ սույն օրենսգրքի 123.3-րդ հոդվածի 1-ին, 123.5-րդ հոդվածի 1-ին, 1.1-ին, 5-րդ, 124-րդ հոդվածի 2-րդ, 5-րդ, 6-րդ, 8-րդ, 9-րդ, 11-րդ, 14-րդ, 17-րդ, 18-րդ, 21-23-րդ, 26-րդ, 124.3-րդ հոդվածի 1-ին, 124.4-րդ հոդվածի 2-4-րդ, 124.6-րդ հոդվածի 1-ին, 126-րդ հոդվածի 1-ին, 135.2-րդ հոդվածի 1-ին կամ 2-րդ մասերով նախատեսված արարք կատարելը, եթե այդ իրավախախտման համար նախատեսված տուգանային միավորի և տվյալ տարում վարորդի նկատմամբ կիրառված տուգանային միավորների հանրագումարը կազմում է 9 կամ ավելի միավոր՝ առաջացնում է տրանսպորտային միջոցներ վարելու իրավունքի կասեցում՝ վեց ամիս ժամկետով:

Ճանապարհային ոստիկանության վարչական տույժ նշանակելու մասին թիվ 2011710068 որոշման հիմքում դրված տեսանյութը փաստում է, որ դիմումատուին պատկանող <<VOLKSWAGEN>> մակնիշի 50US055 հաշվառման համարանիշի տրանսպորտային միջոցը Երևան քաղաքի Թումանյան-Նալբանդյան փողոցների խաչմերուկի հատվածում՝ 19.09.2020թ. ժամը 16:50:35 վայրկյանից մինչև 16:51:36 վայրկյանը՝ 61 վայրկյան տևողությամբ տեղակայված է երթևեկելի մասի երկրորդ շարքում: Որոշման կայացման պահին, տվյալ տարում դիմումատուի նկատմամբ կիրառված տուգանային միավորների հանրագումարը կազմել է **10 միավոր**, մասնավորապես՝

Որպես <<VOLKSWAGEN>> մակնիշի 50US055 հաշվառման համարանիշի ավտոմոբիլի սեփականատեր դիմումատուի անվամբ կայացվել են տուգանային միավորի ձևով վարչական տույժ նախատեսող 5 որոշում՝

- 14.07.2020թ. թիվ 2011335011 որոշումը՝ տուգանք – 10.000 ՀՀ դրամ, 1 միավոր,
- 14.07.2020թ. թիվ 2011331959 որոշումը՝ տուգանք – 20.000 ՀՀ դրամ, 2 միավոր,
- 14.07.2020թ. թիվ 2011334974 որոշումը՝ տուգանք – 25.000 ՀՀ դրամ, 2 միավոր,
- 14.07.2020թ. թիվ 2011333487 որոշումը՝ տուգանք – 25.000 ՀՀ դրամ, 3 միավոր,
- 14.07.2020թ. թիվ 2011333462 որոշումը՝ տուգանք – 25.000 ՀՀ դրամ, 2 միավոր,

Վերը նշված որոշումները սահմանված կարգով առաքվել են դիմումատուի հաշվառման հասցեով՝ ք.Երևան, Զարոբյան փողոց. 10/1 շ., 5 բն., սակայն պահանջված չլինելու պատճառաբանությամբ վերադարձվել են ճանապարհային ոստիկանություն և վերջինիս կողմից՝ **Վարչական իրավախախտումների վերաբերյալ ՀՀ օրենսգրքի 283-րդ հոդվածի 4-րդ մասի** համաձայն, տեղադրվել <<azdarar.am>> ինտեռնետային կայքում, ինչից հետո դիմումատուն 10.08.2020թ.-ին համարվել է պատշաճ ծանուցված:

Թիվ 2011333487, 2011334974, 2011335011 և 2011331959 որոշումները կայացնելուց հետո, սահմանված կարգով և ժամկետներում դիմումատուի կողմից չի ներկայացվել որևէ փաստական ապացույց իրավախախտումները հարկադրված կատարելու վերաբերյալ և դրանք՝ **Վարչական իրավախախտումների վերաբերյալ ՀՀ օրենսգրքի 288-րդ հոդվածի** համաձայն դարձել են անբողոքարկելի և դրանց մասով դիմումը քննարկման ենթակա չէ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 05.10.2020թ. թիվ 2011710068 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Վիգեն Անանյանին:



Ե. Կարապետյան